

Rapport annual 2012 GIUVNETETGNA CADI

Uonn astgel jeu entscheiver a scriver miu rapport annual cun ina fetg legrevla novitad. Il davos da december 2012 han las vischnauncas dalla Cadi suttascret la nova cunvegna da prestaziun ed aschia sa la lavur da giuventetgna vegnir menada vinavon era el futur. Il pensum da lavur resta 65 % per l'assistenta da giuvenils e 15 % per il secretariat.

La primavera 2012 havein nus fatg ina retscherca evaluativa interna. Quella ha mussau che nus savein concuorer fetg bein en cumparegliaziun cun ils posts da lavur da giuventetgna el cantun Grischun. Prestaziun e cuosts stattan en fetg buna relaziun. El medem mument ei vegniu repartiu in questunari a giuvenils, persunas officialas e commembers dallas uniuns da giuventetgna. 254 persunas han dau risposta a quel, da quei 175 persunas sut 17 onns. Ils biars enonuschan GIUVNETETGNA CADI e fan era diever dad ina purschida ni l'otra. Il pli impurtont per ils giuvenils tenor l'evaluaziun dallas rispostas dil questunari, ei dad haver in liug da sentupada en vischnaunca. Prevenziun e divertiment ein cuntegns ch'interesseschan era fetg ils giuvenils.

Duront ils davos treis onns haiel jeu saviu rimnar bein enqual experientscha entras mia lavur ensemen culs giuvenils. Quellas experientschas ein fetg impurtontas per la planisaziun dils projects.

Il matg havein nus organisau mintgamai in cuors da sedefender per giuvnas e per giuvens. Ils giuvenils han saviu empender co sedepurtar en situaziuns malemperneivlas ni schizun prigulusas. Il cuors da sedefender per giuvens cun Martin Bundi sco meinacuors ha giu in aschi grond success tier ils participonts ch'els han giavischau in secund cuors aunc duront il 2012. Quei haiel lu era organisau per cumpleina cuntentientscha da tuts. In vol. 3...



Cun ni senza drogas?

Sonda, ils 2 da zercladur 2012
allas 14.00 a Sedrun en l'aula dalla casa da scola

Sedrezza a: giuvenils, giuvens carschi, geniturs, scolastAs, commembers dils cussegls da scola ed a tuts interessai

Program:
allas 14.00 Referat da signur René Schuhmacher post da prevenziun dalla Polizia cantunala, Cuera

- drogas legalas ed illegalas
- leschas e surpencaments
- libra discussiun

PAUSA silsuenter Refrestg offeriurs dalla vischnaunca da Tujetsch

ADATG! Giuvenils e giuvens carschi eis envidar da star sur notg sil campadi REIN a Rueras

- nas seprofundar el tema e pudin la buna cumpignia
- ils cuosts surprendan la vischnaunca da Tujetsch e GIUVENTETGNA CADI (tscheina, coliver, taxas per campar)
- mintgin pren ses la tenda, sac da dormir ed avunda resti

IMPURTONT

- per campar a Rueras stos ti s'annunziar
- informaziuns detagliadas suandan lu per mail
- era sche ti has lieu saviu far part als referats astgas vegnir a campar
- termin da s'annunziar tochen ils 25 da matg 2012!!!

 tel.: 081 936 31 29
 natef: 079 922 00 12
 mail: info@giuventetgnacadi.ch

Cun plascher ein ils giuvenils da Tujetsch separticipai il zercladur al project «Cun ni senza drogas?». Perunas dil fatg ed ex-pertuccai han referiu la sonda suentermiezdi ell'aula dalla casa da scola. Per saver seprofundar el tema e discussiunar las damondas dils giuvenils havein nus passentau la sera e la notg sil campadi a Rueras.

Ina experientscha speciala han nos giuvenils astgau far igl atun cun separticipar al project ch'ei vegnius organisaus e finanziaus per gronda part da place4space, in project sut la bitgetta da jugend.gr. Duront dus dis han els

astgau luvrar cul regissur René Schnoz e la giuvna Diana Cabalzar e crear ensemen cun quellas personas dil fatg ina «fotostory». Mintga participont ha survegniu regalau il carnet cun lur historia. Per presentar las fotografias alla publicitad havein nus schau squitschar quellas sin ina banderola da 30 meters lunghezia.

En quei rapport hai jeu scret cuortet sur dad in per uettas da mia lavur. Il menaschi da mintgadi cun organisar e tgirar ils differents locals da sentupada, sustener e cussegljar ils giuvenils duront ils numerus discuers s'audan secapescha era tier mia lavur.

Nossa giuventetgna ei nies futur, quei duess buc mo esser ina parola da politicchers. La giuventetgna ei propi nies futur, ensemen cun vus tuts savein nus dar a nos giuvenils il spazi ed il sustgn ch'els basegnan. Cordial engraziament che vus tuts essas ina part da quei sustegn, seigi quei finanziamein, moralmeim ni cun s'engaschar activameim per nossa giuventetgna.

Per GIUVENTETGNA CADI : Gabriela Cabalzar